



Siujfanz mbouj dwg hagseng ban gou, hoeng de caeuq gou gig ndei, cungj lizmboujhai gou. Neix miz baez ndeu sawq gangj goq, de lumjbaenz haemq maij gij fuengsik gou hwnj dangz haenx, ndigah roengzdangz le daegdaengq nai gou, caemhcai q aeu gij lienzhaeh fuengsik gou, yienzfaenh couh yienghneix hainduj lo.

Hoeng Siujfanz yinxhwnj gou louzsim, dwg aenvih de dwg boux “hek ciengzseiz” daeuj bangunhsiz, de gingciengz deng banhcujyin cingj haeuj ndaw bangunhsiz. De dwg boux vunz mbouj fug vunz, caih banhcujyin baenzlawz gangj, de mbouj gangj saek coenz, banhcujyin ciengzseiz ndatheiq dwk gangj mbouj ok vah bae.

Miz ngoenz ndeu, Siujfanz gingqyienz doengh fwngz dub sieng boux hagseng sai beij de lij sang gyaengh ndeu, aenndaeng hagseng sai ok lwed, gwnz naj lij miz giz riznyauj hung iq. Daxmeh hagseng sai hujdengdeng ganj daengz hagdangz, iugouz Siujfanz boiz 300 maenz cienzyw. Meh Siujfanz youq mwh

Ciq Cienz

—Aen Goj Son’gyauq Lwngnyez Louzsouj

上林县大丰镇中心学校 Vangz Gveiyangh/黄桂香

Siujfanz gig iq couh gvaqseiq lo, daxboh ciengznienz youq baihrog dajgoeng, de caeuq daxgoeng daxbuz geq gvaq saedceij, banhcujyin cij ndei cingj daxgoeng 80 lai bi haenx daeuj hagdangz. Goeng de rox gienh saeh neix le, ndatheiq baenz gangj mbouj ok vah, fid fwngz couh dauqbae lo.

Mbouj miz banhfap, Siujfanz daj dienhvah heuh daxboh de bangcoengh, siengj mbouj daengz daxboh youq ndaw dienhvah hix ndatheiq lai couh ndaep dienhvah bae. Mbat neix, Siujfanz simvueng dahraix, hoeng de lij cangguh caemdingh naeuz: “Cienz gou itdingh hawj mwngz, gou aeu yungh di seizgan he bae ra.” Ginggvaq banhcujyin naihsim hezdiuz, daxmeh hagseng sai dauqdaej cij cengqgengz doengzeiq.

Gou dingqnyi gienh saeh neix, daegdaengq ra daengz Siujfanz, cam de baenzlawz guh. Siujfanz naeuz: “Menhmenh rom cienz.” Ndaw vah de mingz-yienj saenqsim mbouj cuk. “Mwngz gamj rapdawz cwzyin, gij neix lauxsae haenh mwngz. Hoeng gij beizheiq mwngz gvaqlaeng aeu gaij, mbouj ndaej daih cungdoengh.” Gangj sat, gou daj ndaw daeh dawz 300 maenz ngaenz okdaej hawj de, “gij cienz neix lauxsae ciq hawj mwngz gonq, mwngz baezlaeng menhmenh boiz gou couh ndaej lo.” Mbangj dwg siengj mbouj daengz gou ciq cienz hawj de, de doeksat lai, liuxle lwgda yawj gou lumjnaeuz docih gou, de sing iq doiq gou naeuz: “Docih lauxsae, gij cienz neix gou itdingh boiz mwngz ……”

Aenvih gienh saeh neix, dou song boux

doxdepgyawj haujlai lo, gou seizseiz cungj gvansim de, de hix ciengzseiz ra gou ganggoj, caeuq gou caemhyienj gij angq de. Miz ngoenz ndeu, banhcujyin de angqvauvau lwnh gou nyi, ngoenz-lwenz cuengqhag le, gyoengq doengzhag cungj baema lo, gingqyienz yawjraen Siujfanz boux vunz ndeu lij baet veiswnghgenh, neix hawj de doeksat raixcaix, banhcujyin baez daih’it youq ndaw bangunhsiz haenh de lo. Gou dawz gij vah banhcujyin cienzbouh gangj hawj Siujfanz dingq. Caemhcai q doiq de daengj fwngzmeh, de gingqyienz miz di najmong dwk naeuz: “Dawz gij cienz lauxsae bae gaijgez vwndiz, dangyienz hawj lauxsae raen miz maqmuengh bw.”

Gou caen yawjraen maqmuengh dahraix, baez ndeu byaujyangz, hawj Siujfanz ndaej gujli, doenghngoenz saedceij baihlaeng, de biujyienh ndaej engqgya maij guh gaenxguh, yienznaeuz mizeiz lij mizdi cungdoengh guhsaeh, hoeng beizheiq lai iq raeuh lo. Siujfanz mizdi cinbu, lauxsae dou da cungj yawj ndaej raen.

Ngoenz cietlauxsae haenx, Siujfanz daegdaengq soengq mbaw hohgaj caeuq fung saenq ndeu hawj gou, gwnz gaj sij miz coenz vah neix: “Youq ndaw sim gou, mwngz couh lumj daxmeh ityiengh, cingj saenq gou, gou mbouj hawj mwngz saetmuengh.” Gaxgonq dwg boux lwngnyez manz, gingqyienz gangj ok duenh vah neix, ndaw sim gou fwt mizdi raeujrub ndeu, gou yaengyaeng mbekhai byuksaenq, ndawde dwg daeb ngaenzlingz ndeu. Ngamj dwg 300 maenz ……

Bouxdoengzhag Bakdeih

武宣县新龙小学五(1)班 Vangz Meijhoz/黄美合

“Aihyo! Meh ya! Dwg bouxlawz mbouj miz lwgda, dawz haiz gou gauj uq lo.” Bouxdoengzhag bakdeih—Suhfwnh naj ndaem dwk daih sing swenj hwnjdaej.

“Baenzlawz la? Guh maz lo? Deih loemq ma?” Hungzgingj lienzmuengz ngeux gyaiej gvaqdaej cam, hoeng, dang de raen daengz boux doengzhag bakdeih Suhfwnh hozndat baenz yaek gwn vunz bae, cix rox daengz swheij deng raemxmaeg ganghbiz dauj deng haiz Suhfwnh lo, de ngaem gyaiej le lejsing naeuz: “Dan dwg raemxmaeg deng haiz uq, sing couh lumj vaiz deng gaj nei, ca di dawz rwz gou daenh nuk bw.”

Suhfwnh mbouj dingq lij ndei, baez dingq Hungzgingj baenzneix gangj, engqgya huzndat lo, aen bakdeih de couh yungh ndaej hwnj lo. Cij raen de huhu dwk ndwn hwnjdaej, song da yaek beuj dwk caengz Hungzgingj, mboengj daiz dwk daihsing naeuz: “Boux wng haiz uq le dwg saeh iq, haiz gou uq le dwg saeh hung.” Gangj sat de couh dawz haiz gveng youq gwnz daiz Hungzgingj. “Vaiq dawz haiz gou uet seuq, gou cix nyiuz mwngz.”

Hungzgingj baez dingq de yienghneix gangj, couh deng hwk dwk nyouh yaek conh

bae, lejsing naeuz: “Gou youh mbouj dwg daegdaengq guh, haiz mwngz uq le, baema swiq seuq couh ndaej lo.” Seizneix boux bakdeih Suhfwnh baez dingq le, lwgda couh yaek hwnjfeiz nei, yaengx fwngz hwnjdaej youh haenq sing hat dwk: “Mwngz caiq gangj mbat ndeu, yawj gou gamj mbouj gamj lemh mwngz.” Hoeng, de youh cuengq fwngz roengzdaej lo, ngeix yaep ndeu, dangh-naeuz doxdub couh deng lauxsae dawz bae saemx, de da baez baenq couh unq roengzdaej luk Hungzgingj: “Ngoenzneix mwngz famh miz song diuz coi: Diuz he dwg dawz haiz gou gauj uq; diuz he dwg mwngz sag raemxmaeg. Seizneix cijaeu mwngz dawz haiz gou uet seuq, gou couh mbouj caiq fanz mwngz, mboujne……” Hungzgingj baez raen de yienghneix gangj, ndaw sim gag ienqhoij, byawz heuh swheij nyangz daengz boux bakdeih, cijndei bang de uet seuq, mienxndaej de caiq nam mbouj dingz.

Ai! Ban dou miz boux vunz bakdeih, dou hix dengcoih, caen maqmuengh de gaij bae.

(lauxsae son’gyauq: Lungz Gingyi/龙庆煜)

